



Isplata penzija za mjesec mart početak će u četvrtak 5. aprila 2018. godine, odlučeno je na sjednici Upravnog odbora Federalnog zavoda PIO, održanoj u Sarajevu 28.3.2018. godine.

Obzirom da je od 01. marta 2018. godine u primjeni novi Zakon o penzijskom i invalidskom osiguranju, isplata penzija uz primjenu isplatnog koeficijenta, po članu 51 do nedavno važećeg zakona, više nije u primjeni.

Način i iznos isplate penzija za mjesec mart 2018 godine., odnosno u prvom mjesecu primjene novog Zakona o PIO/MIO izvršit će se svim korisnicima u dostignutom iznosu posljednje isplaćene penzije.

Iznos penzije usklađene sa posljednjim koeficijentom prije stupanja na snagu ovog Zakona postaje zakonski iznos penzije, a dalje će se usklađivati po odredbama novog Zakona. To znači da iznosi najniže, zajamčene i najviše penzije ostaju nepromijenjeni. Sukladno tome najniža penzija iznosi 326,17 KM, zajamčena 434,90 KM, dok najviša penzija iznosi 2.174,48 KM.

Za prvi mjesec primjene novog Zakona o PIO, a u isplati penzija za mart 2018. godinu, previđeno je jednokratno povećanje penzija dijelu korisnika, a prema članu 140 novog Zakona o PIO, i to:

- korisnicima penzija, koji su prava ostvarili do 31.07.1998 godine, zakonski iznos penzije, po Zakonu o PIO/MIO vežećem do 28.2.2018.godine., se povećava za 10% i na tako uvećan iznos se primjenjuje isplatni koeficijent po članu 51 prethodnog zakona,

- dok se korisnicima koji su ostvarili svoja prava od 1.08.1998 do 31.12.2007 zakonski iznos penzije, po zakonu o PIO primjenjivanom do 28.2.2018.godine., se povećava za 5%, i taj iznos se množi sa sa posljednjim isplatnim koeficijentom po članu 51 dosadašnjeg zakona.

Za mjesec mart povećanje penzija od 10% i 5% će dobiti ukupno 106.208 korisnika, za što su potrebna dodatna sredstva u iznosu od 2.897.725 KM.

Po objavi koeficijenta rasta potrošačkih cijena i BDP, iza 15 aprila, sve penzije za mart, će biti usklađene sukladno članu 79 Zakona o PIO, a isplata razlike za mart, uz uvećanu penziju za april će biti izvršena 5.5.2018.godine.

Sukladno članu 79, stav dva, bilo redovno bilo vanredno usklađene penzije, neće moći preći iznos najviše penzije: 2.174,48 KM.

Ukupno potrebna sredstva za isplatu penzija za mjesec mart, s uračunatim troškovima, iznose oko 168 miliona KM.